

ԲԱՆԱԿԱՐԱԿԵՐ

ՆԱՐԵԿԱՑՈՒ ԿԵԱՆՔԸ^(*)

•

Երեանի Պետական ձեռագրատան (Մատենագրաբանի) № 1568 ձեռագրում, որը և Մատեան ողբերգութեան պոէմի այնտեղի ամենահին ձեռագիրն է, գտնում է Գրիգոր Նարեկացու համառօտ կենսագրութիւնը: Այդ ձեռագիրը գրուած է 1172 թուին, մագաղաթի վրայ և զարդարուած է նուրբ և գեղեցիկ գունաւոր մանրանկարչական պատկերներով և խորագրերով: Ձեռագրում կայ Նարեկացու երկու երեւակայական նկար, որոնցից առաջինի վրայ մակագրուած է: «Միաբան Գրիգոր Փիլիխոփայ»: Կենսագրութիւնը (վարքը), որ բռնում է 116րդ թերթի երկու երեսը, սկսում է այսպէս: «Առուրբ հայր մեր աստուածաշնորհք քահանայս և կրօնաւոր Գրիգոր էր ի Նարեկայ վանից ի հայս ի գաւառն Վասպուրականին: Նարեկացու ժամանակաշրջանի մասին ասում է, որ նա ապրել է յունաց Վասիլ և Կոստանդ կայսրների, հայոց Արծրունի Սենեքիրիմ թագաւորի և Վահան կաթողիկոսի

(*) Երեանի Պետական Համարատան Հրատարակչութիւնը 1955ին լոյս ընծայած է Մ. Մկրեանի Գրիգոր Նարեկացի անուն գարձը: Գրիգոր իր ամբողջութեան մէջ խորունկ եւ հմտալից բանախրական աշխատութիւնն մըն է, երէ նկատի շառնենք կազմ մը ակնակարիններ որոնք ուորն են ներկանի ուշանակին ներպապաւական պահանջներուն:

Գրիգոր պարտանակութեան մասին գտղափար մը տալու համար կ'արտաքրենք զլխակագութեանց ցանկը: —

ա) Ներածութիւն.

բ) Հայ Գրակեր. Նարեկացուց տռաջ.

գ) Նարեկացու կեանքը.

դ) Նարեկացու սեղծագործութիւնը.

1) Ներքողներ և տաղեր

2) «Մատեան Ռոբերգութեան»:

ե) Նարեկացին եւ հետազայ Հայ գրականութիւնը.

թ. Անձնանունների ցանկ:

Այս լուրջ ուսումնասիրութեան շահնեկան մասեր տակաւ առ տակաւ արտապելով պիտի ներկայացնենք ՍԻՈՆ-ի ընթերցողներուն:

Խմբ.

Ժամանակ սի թուականին՝ հայոց ՆԱՅԱ Յիշեալ ձեռագրի կենսագրութիւնը համար, եաւ նոյնութեամբ կրկնուած է հետազուրութիւնը ձեռագրերում, եթէ տարբերութիւններ պատահում են, դրանք գերազանցաւ պէս վերաբերում են շարադրանքին և ոչ թէ՝ յիշատակուած փաստերին: օրինակ՝ № 1566 ձեռագրում (գրուած 1381 թուին) գտնուող կենսագրականի սկիզբը: սի թուականին հայոց ՆԱՅԱ ի հայրապետութեան Տեսան Վահանայ, և ի թագաւորութեան յունաց Վասոլի և Կոստանդեա: Իսկ թագաւոր Վասպուրականի Սենեքիրիմ յԱրծրունեաց ի ոոցա ժամանակս էր երիցո երանեալ սուրբ հայրս մեր, և աստուածաշնորհ մեծ վարժապետս Գրիգորիս . . . »: Ինչպէս նկատում է, տարբերութիւնն այն է, որ ժամանակը ցոյց առուղ թուականը գրուած է բանաստեղծի անուան յիշատակութիւնից առաջ:

Հին ձեռագրերում եղած Նարեկացու համառօտ կենսագրութիւնը հետագյում գարձել է հիմք «Յայսմաւուրքի» միջի համեմատաբար աւելի ընդարձակ կենսագրութեանը, այնպէս որ բանաստեղծի կետեքի մասին պատկերացում կազմելու համար այն հանգիստնում է հիմնական աղքիւը: Բացի «Յայսմաւուրքից», չափազանց կարեսը և արժեքաւոր տեղեկութիւնները մեզ հասել են Նարեկացու մի շարք ստեղծագործութիւնների իր՝ բանաստեղծի կողմից գրուած յիշատակարաններից: Այս բոլորին աւելացրած մեր պատմիչների և այլ զըռզների շատ համառօտ ակնարկներ, ինչպէս և ժողովրդական զրոյցները և բանաստեղծութիւնները, կ'ունենանք այն ամէնը, ինչ որ հնից մեացել է Գրիգոր Նարեկացու մասին:

Գրիգոր Նարեկացու ծննդագալիքը և ծննդեան թուականը ստոյգ յայտնի չեն, ձեռագրերում յիշատակուած ՆԱՅԱ = 432 + 551 = 983 թուականը, որը «Յայսմաւուրքի» մէջ չկայ, անշուշտ չի վերաբերում նրա ծննդեանը, կենսագիրը ուզում է ասոմ լինել, որ այդ թուին նա արգէն յայտնի անձնաւորութիւն էր: Իսկ ինչ վերաբերում է Վահան կաթողիկոսին ժամանակակից համարուելուն, ապա՝ գա թիւրիմացացութեան արդիւնք է, որի աղքիւը ըստ երևոյթին պատմիչ Աւոհայեցին է: Աւոհայեցին սիամամիք Վահանի կաթողիկոսութեան տարի-

ները համագրում է Բազրատունիներ Յովհաննեկար ու Աշոտի և Արծրունի Աննեքերի թագաւորութեան տարիների հետ, մինչեւ յայտնի է, որ Վահանի կարճատեսկանողիսութիւնը (968-972) եղել է Աշոտի (Աղօրմածի) և Արծրունի Արուսանի օրով։

Նարեկացին ծնուել է հաւանաբար թշունեաց կամ Անձեացեաց աշխարհի գիւղերից մեկում, ըստ որոշ բանասէրների՝ 951 թուին։ Նրա հայրն էր իր ժամանակին բաւական յայտնի՝ Խոսրով Անձեացեաց եպիսկոպոսը։ Նարեկացու նշուած ծննդեան թուականը վիճելի է համարուել հետեւեալ պատճառով։ Խոսրովի օրդիներից երկրորդը՝ Մահակը իր հօր 950 թուին զրած պատարագի խորհրդի մեկնութեան վերջում աւելացրել է մի յիշատակարան, որում հօրը կոչում է Անձեացեաց եպիսկոպոս։ Մատեղից ենթագրում են, եթէ Խոսրովը արգէն 950 թուին եպիսկոպոս էր, ուրիմն նարեկացին չէր կարող 951 թուին ծնուած լինել, որովհետեւ այդ ըրջանում կնամքի եպիսկոպոսներ անկարելի էր որ լինելուն։ Խոսրովը եպիսկոպոս է ձեռնազրուել Անանիա Մոկացի կաթողիկոսի առաջին տարիներին, բանասէր Գալուստ Տէր-Մկրտչեանի համբւերով Անանիան կաթողիկոս է դարձել 941 թուին և հենց նրա ենթագրութեամբ Նարեկացու ծննդեան ժամանակը պիտք է որոնել 940-949 թուերի ընթացքում։ Բայց վերև յիշատակած թուականի այս քննազատութիւնն այնքան էլ հիմնաւորուած չէ, եթէ նկատի առնենք հետեւեալ պարագաները։ Նախ՝ ըստ Օրբմանեանի, Անանիան կաթողիկոս է դարձել ոչ թէ 941 թուին, այլ 946 թուին, այնուհետեւ՝ թէպէտ 950 թուին զրուած պատարուի խորհրդի մեկնութեան յիշատակարանում Խոսրովը իրեւ եպիսկոպոս է յիշում, բայց դա բոլորովին էլ չի ապացուցում, որ 950 թուին նա անպայման եպիսկոպոս էր, որովհետեւ յիշատակարանը 950 թուին չի գրուած, այլ հետագայում, երբ Խոսրովը կարող էր արգէն եպիսկոպոս գարձած լինել, և վերջապէս՝ Յայտամաւուրքում, ինչպէս և բոլոր ձեռագիր կինսազրականներում, առուած է, որ Նարեկացին վախճանուեց երիտասարդ հասակում՝ 1003 թըւին։ Երայց չես կատարեալ ընթացս առտի-

կենացն այլ երիտասարդական տիս վախճանեալ ի Դմքջի ամինու։¹⁾ Ուրեմն հաւանականութեան մօտ է, որ Նարեկացին ծընւած լինի 951 թուին, օրովհետեւ գժուարթէ 52-53 տարեկանից աւելի մեծ հասակում վախճանուած անձնաւորութեան երիտասարդ կոչէին։

Նարեկացու կեանքը փոքր հասակից կապուած է Փ. գարում շատ հաչակուած Նարեկայ վանքի հետ։ Երբ նրա հայրը՝ Խոսրով Անձեացեաց եպիսկոպոսը, նրան իր մեծ եղբօր՝ Յովհաննեսի հետ յանձնել է Նարեկայ վանքը, այդ ժամանակի վանքի վանահայրն էր իր կնոջ հօրեղբայրը Անանիանի Նարեկացին։

Անանիա Նարեկացու օրով ոչ միայն Նարեկայ վանքը, այլև Հայաստանի շատ ուրիշ վայրերում գտնուող վանքերը ուղրում էին իրենց ճանաչումն ստանալու ըլլրջանը։ Այդ Անանիայի պանդակից Անանիա Մոկացու կաթողիկոսութեան և Աշոտ Փ.ի (Աղօրմածի) թագաւորութեան տարիներին էր, երբ աննախընթաց արագութեամբ ու քանակով առաջ եկան վանքերը ու վահականութիւն։ Ասողիկ պատմիչը յատուկ ուշադրութիւն է զարձրել այդ երեսոյին վրայ և մանրամասն յիշատակել է նոր հիմնուած և հաչակուած վանքերի տեղը և առունները։ «Յայսմ ժամանակի ծագիկալ պայծառանայր կարգ կրօնաւորաց Եւ ի յոլով տեղիս շինեցան եղբայրանոցք և ժողովեցան միաբնակեցք սիրովի Քրիստոսի։ Նախ առաջին՝ մեծ առօչչակ ուխտն կարգձագորոյ ի գաւառին Արշարունեաց . . . իսկ ի գաւառին Շիրակայ՝ Հոռոմասին կոչեցիալ գտնիք շինեցաւ ի ձեռն Յովհաննիսի . . . Այսպէս և յայսմ ժամանակիս շինեցաւ Նարեկ ի թշունեաց գաւառին նոյն կարգաւորութեամբ, բազմամարդ պաշտօնագյածառ երգեցողովք և գրական գիտուզօք»²⁾։ Յետոյ էլի Ասողիկը երկար խօսում է վանքերի հիմնազրութեան մասին։ Տարօնում, Դիրջանի ու Կարինի գաւառներում, ապա պատմում է վանական սրբերի ու նրանց՝ զործած զանազան հրաշքների մասին։ Ասողիկը յիշատակում է նաև վան-

¹⁾ Գիրք, որ Կոչի Այսմաւուրք ի թ. Հայոց թէջնթ, կ. Պուլիս, էջ 295։

²⁾ Ստեփանոս Ասողիկ, Պատմութիւն տիեզերական, Ս. Գետերբուրգ, 1885, էջ 173-174։

քիրի հետ կապուած ժամանակի նշանաւոր վարդապետների անունները. «Եին և վարդապետք վարժեալք վարդապետութեամբ տեռան և ուսուցիչք ճշմարտութեան. Բաւսիլոս ծերունին քաջակորովն ի խօսս և քաջաքարոզն ի պատմել զօրէնս Տեառն. և Գրիգոր քահանայ յամուսնացելոց, յորդախօսն և առատարանն ի պատգամն Տեառն. և Ստեփանոս, աշակերտ Բարսղի, որ հոգեկորն կոչեցաւ, առաքելաշնորհ բանիւ և գործով, ընդ սմա և մեծանուն ի գիտութեան և առաքինութեան Մովսէս, որ քառասուն աւուրբք ձգտեցուցանէր զանսուղութիւնն: Եւ Դաւիթ աղքատակերպ և գծծասէր գիտնականն որում անուն Մաշկոտն կոչի, և Պետրոս հաւաստի մեկնիչ գրոց սրբոց և Անանիս, փիլիսոփայն մեծ, որ և վանական Նարեկիւ²⁾:

Եոյն դարում ապրած բազմաթիւ վարդապետների անուններ է տալիս նաև Մատթէոս Ռուհայեցին: Այս բոլորը, ի հարկէ, այդ ժամանակ վանքերի շատանալու և մեծ թօռով վանական մտաւոր գործիչների հանդէս գալու պարզ ապացոյցներ են . . .

Նարեկայ վանքը գտնուում է Վանայ ծովի հարաւային ափի Տօօտ՝ Ալեքնահոլով և կարծրախարիսխո (Նարեկացու բառերն են) միջտունեաց աշխարհի համանուն գիւղում: Վանքը շինուած է սպիտակ սրբատաշ քարերով՝ մի բլրակի գագաթին: Հուրդը գիւղացիների խրճիթներն են, որոնք աստիճանաբար իջնում են մինչև բլրակի ստորոտը: Դիւղից փոքր ինչ հիւսիս, անմիջապէս ծովափին, աւանդաբար ցոյց է տրուում Գրիգոր Նարեկացու աղօթատեղին՝ մի բարձր քարաժայու, կողի մէջ զտնուող ինը քարասենեակներով: Ըստ եղած նկարագրութիւնների՝ զիրքով զա մի սքանչելի ու գեղատեսիլ վայր է: Ազօթատեղի առաջ անմիջապէս բացում է ծովը իր ամբողջ գեղեցկութեամբ, զիմացը երեսում են Աղթամար և Առտեր կղզիները, իսկ միւս կողմէ բարձրանում են Մոկաց և միջտունեաց բարձրագագաթ լեռնաշարքերը:

Ահա, բնութեան այս հրաշալի քներով հարուստ շրջապատում մեծացել, հասունացել է բանաստեղծը և անց է կացրել իր

կեանքի ամբողջ ընթացքը: Նարեկացու կեանքը, իրրե վանականի կեանք, բնականաբար չէր կարող հարուստ լինել բազմազան գէպքերով: Ամենից առաջ հետաքըրքական է, թէ ինքը բանաստեղծը ինչ յիշտառկութիւններ է թողել իր կեանքի հանգամանքների մասին:

«Երգ երգոցից մեկնութեան յիշտառկարանում նարեկացին գրել է. «Ի նիջ թուականութեանս հայոց հարեկցայ և Գրիգոր քահանայի ի նարեկայ, որդի տեառն կուրզայ անձաւացեաց եպիսկոպոսի, ի Գուրգինայ աստուածատէր քրիստոնապուկեալ արքայէ . . . առ ի մեկնութիւնու ահաւոր բանիցն Սողոմոնի . . .»): Ապարանից խաչի պատմութեան և նրան յաջորդող ներբողների յիշտառկարանում գրել է. «Ես Գրիգոր՝ յետին վարժապետաց և կրտսեր բանասիրաց, որդի զտեր եղքօր հօր Անանիայի հոգեղարդ և մտավարժ փիլիսոփային, և ըստ վարուց մաքրութեան կրօնից զովելոյ և հոչակելոյ»³⁾: Աղջրերգութեան մատեանից յիշտառկարանում գրել է. «. . . Գրիգոր կրօնաւոր քահանայ, յետին բանահիւսաց և կրտսեր վարժապետաց . . .»): Այս բոլորից Նարեկացու վանական կեանքի մասին շտաքի գիր բան է պարզուում. թէ զրական գործունէնութեան առաջին շրջանում և թէ զերջում նա իրեն քահանայ և վարժապետ է անուանում, յիշտառկարանների մնացած մանրամասնութիւնները, որոնք բոլորն այստեղ չեն բերուած, զերաբերում են նրա այս կամ այն երկը զրելու շարժառիթներին և ժամանակին:

Մ. ՄԿՐԵԱՆ

(Շարունակելի)



¹⁾ Ստեփանոս Ասողիկ, Պատմութիւն տիեզերական, Ս. Պետերբուրգ, 1885, էջ 178:

²⁾ Նոյն տեղը, էջ 422: ³⁾ Նոյն տեղը, էջ 268: